

Uunga siunnersuut: Qaffasinnerusumik ilinniartitaanerit pillugit Inatsisartut inatsisaat nr. xx, xx. xxx 2018-imeersoq

(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

Akissuteqaat

Aappassaaneerinnineq

Naalakkersuisut Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliaq qutsavigaat peqqissaartumik suliaat isumaliutissiissutaallu pillugit.

Naalakkersuisut iluarisimaarlugu maluginiarpaat ataatsimiititaliap isumaqatigiittup siunnersuut ilalersoraa.

Ataatsimiititaliap isumaliutissiissummini Naalakkersuisut qinnuigai siunnersuutip pingajussaaneerpeqarnissaanut siunnersuummi aalajangersakkanut ataasiakkaanut allannguutissanik siunnersuuteqaqqullugit. Ataatsimiititaliap aamma Naalakkersuisut akornanni pitsaasumik oqaloqatigiittoqartarsimavoq, aalajangersakkat pineqartut pillugit, siunnersuullu ataatsimut isigalugu, taakkualu Naalakkersuisut immikkut qujassutigiumavaat.

Naalakkersuisut ataatsimiititaliap kissaatigisaminut tunngavilersuutai tusaatissatut tiguai, siunnersuutillu pingajussaaneerpeqarnissaanut atatillugu allannguutissanik siunnersuuteqalersaarlutik, ataatsimiititaliap allannguutissanut kissaataanik naapigiaasussanik.

Taamatut naatsunik oqaaseqarluta Naalakkersuisut inassutigissavaat siunnersuut pingajussaaneerpeqarnissamut ingerlateqqinneqassasoq.